

NASIONAL

Satu fakulti di lima universiti perintis iCGPA

SINAR HARIAN (NASIONAL) 11/8/2015 m/s 12

PUTRAJAYA - Sebuah fakulti di lima universiti awam akan dipilih sebagai perintis kepada pelaksanaan sistem penilaian penuntut baharu Purata Nilai Gred Keseluruhan Berintegrasi (iCGPA), kata Menteri Pendidikan Tinggi Datuk Seri Idris Jusoh.

Beliau berkata ia melibatkan kira-kira 300 penuntut baharu bagi kemasukan September 2015 di Universiti Kebangsaan Malaysia (UKM), Universiti Teknologi MARA (UiTM), Universiti Malaysia Terengganu (UMT), Universiti Malaysia Kelantan (UMK) dan Universiti Malaysia Pahang (UMP).

Menurutnya, penilaian meliputi sembilan aspek iaitu kefahtaman akademik; kemahiran akademik; pemikiran kritikal dan saintifik; kemahiran berkomunikasi; kemahiran sosial, berkumpulan dan ke manusiaan; etika, moral dan profesionalisme; pengurusan maklumat dan pembelajaran sepanjang hayat; pengurusan dan keusahawanan; dan kepimpinan.

Menurutnya, iCGPA dapat mengatasi masalah ketidaksepadanan antara kualiti graduan dan kehendak



Idris bersama penuntut universiti luar negara pada majlis Ramah Mesra Kementerian Pendidikan Tinggi 2015, semalam.

majikan mermandangkan sistem sedia ada hanya mengukur kemampuan akademik pelajar.

"Kita sentiasa mendengar komen mahukan graduan yang holistik, mempunyai ciri keusahawanan dan seimbang. Inilah yang kita harap dapat lahirkan melalui iCGPA," katanya pada majlis ramah mesra dan sambutan Aidilfitri KPT, di sini semalam.

Idris berkata, projek perintis itu dijangka dilaksanakan selama tiga tahun bagi melihat pengubahsuaian dan pemantapan sistem di universiti serta kesan pen-

dekatan itu kepada penuntut sebelum diperluaskan ke universiti awam yang lain.

Katanya sistem iCGPA telah mula dikaji dan dibangunkan sejak 2009 melalui kerjasama UKM dan UiTM serta mendapat konsultasi Agensi Kelayakan Malaysia (MQA).

"Penilaian iCGPA akan dilaporkan dalam kad skor penuntut dengan menggunakan kaedah 'Spider Web' yang akan menyenaraikan prestasi penuntut.

"Penilaian bukan sahaja dibuat melalui aktiviti dalam kelas, tetapi aktiviti lain dalam kampus yang disertai penuntut," katanya.-Bernama